

Fèisean nan Gàidheal

Tuairisgeul-Obrach

Tìotal:	Rianaire
Àite:	Port-Rìgh ged a bhitheamaid deònach beachdachadh air obair air falbh bhon oifis
Tuarastal:	Tuarastal £21,057 gu £23,398 a-rèir eòlais
Ùine:	Làn-ùine (35 uairean san t-seachdain) ach sùbailte nam b' fheàrr le neach freagarrach obair pàirt-ùine

Bun Fhiosrachadh

'S e buidheann nàiseanta a tha ann am Fèisean nan Gàidheal, ag obair còmhla ri còrr is 47 Fèisean ionadail air feadh Alba, a' toirt cothrom do thimcheall air 18,000 òganach sgilean ealan Ghàidhlig ionnsachadh a bharrachd air obair ann am foghlam Gàidhlig agus tachartasan coimhearsnachd a chur air dòigh.

Thathar a' sireadh Rianaire a bhios ag obair ann an grunn roinnean. Bhiodh eòlas air siostaman ionmhais agus tuarastail feumail, ged a bhios trèanadh ri fhaighinn, agus sgilean coimpiutaireachd aig àrd ìre deatamach.

Bidh an neach a shoirbhicheas ag obair ann am prìomh oifis na buidhne ann am Port-Rìgh thairis air 35 uairean a thìde gach seachdain ged a bhitheamaid deònach bruidhinn ri tagraichean a thaobh modhan-obrach eile, mar eisimpleir obair pàirt-ùine seach làn ùine, no uairean sùbailte. Bidh an Rianaire fo stiùir Manaidsear Gnìomha na buidhne.

Prìomh ghnìomhan na dreuchd seo

A' toirt taic don Mhanaidsear Gnìomha, gu sònraichte:

- Rianachd na buidhne san fharsaingeachd
- A' toirt taic le obair ionmhais agus tuarastail
- A' dèanamh cinnteach gu bheil na stuthan a tha a dhìth air gach oifis ann
- A' coimhead an dèidh banca-ionnsramaidean ciùil, gan cur a-mach agus gan toirt a-steach mar a bhios iomchaidh, a' cur a-mach cùmhnantan (le teamplaid), fàirdealan a sgaoileadh agus a' gabhail gnothach ri an càradh nuair a bhios feum air a leithid
- A' cuideachadh le Sgeama Tabhartasan nam Fèis
- A' cuideachadh le Tasgadh - Sgeama Tabhartasan Beaga nan Ealan Dùthchasach ga ruith às leth Alba Chruthachail
- A' coimhead an dèidh cunntasan agus òrdain airson leabhraichean a tha Fèisean nan Gàidheal air fhoillseachadh
- A' cumail rian air ar stòr-data
- A' cur ri chèile litir-naidheachd ràitheil agus ga sgaoileadh gu didseatach
- Ùrachaidhean air na làraich-lìn aig Fèisean nan Gàidheal agus Blas mar a bhios iomchaidh
- A' cur air dòigh àiteachan airson coinneamhan den Bhòrd Stiùiridh a chumail agus àiteachan-fuirich airson buill agus luchd obrach bho àm gu àm
- A' cur ri chèile gèarr-chunntas de choinneamhan a' Bhùird agus coinneamhan eile mar a bhios iomchaidh
- A' cur choinneamhan den luchd-obrach air dòigh gu cunbhalach agus a' cumail gheàrr-chunntasan

- A' cruinneachadh cìs ballrachd nam Fèis uair sa bhliadhna
- A' toirt taic le bhith a' cur air dòigh co-labhairt agus coinneamh bhliadhnail na buidhne
- A' toirt taic rianachd don t-seirbheis Fèisgoil
- A' cumail taic ri luchd-obrach eile mar a tha iomchaidh ann an sgioba beag.

Gnìomhan eile

- A' gabhail pàirt ann a tachartasan air an cur air dòigh le Fèisean nan Gàidheal, m.e. co-labhairt agus coinneamh bhliadhnail na buidhne
- A' cuideachadh le aithisgean a dheasachadh airson coinneamhan de Bhòrd-stiùiridh Fèisean nan Gàidheal agus do bhuidhnean maoinachaidh mar a bhios iomchaidh
- A' gabhail pàirt anns an t-siostam measaidh aig Fèisean nan Gàidheal
- A' frithealadh làithean-trèanaidh airson luchd-obrach ma bhios sin iomchaidh
- Obair eile sam bith a tha taobh a-staigh crìochan na dreuchd a tha seo.

Sgilean pearsanta a tha dhìth

- Bu chòir tagraichean a bhith fileanta anns a' Ghàidhlig, le comas labhairt agus sgrìobhaidh. Bidh barrachd cuideam air sgilean còmhraidh aig an ìre seo, agus bidh prògram trèanaidh ann airson sgilean sgrìobhaidh a neartachadh mar a bhios iomchaidh. Tha sinn gu math taiceil do luchd-ionnsachaidh na Gàidhlig agus chuireamaid fàilte air tagradh bho neach a dh'fhaodadh an cuid sgilean cainnt neartachadh ann an àrainneachd far a bheil Gàidhlig ga bruidhinn gu cunbhalach.
- Tha sinn a' sireadh thagraidhean bho dhaoine aig a bheil eòlas, neo foghlam freagarrach co-cheangailte ri obair rianachd agus tha cleachdte ri dèiligeadh ri daoine.
- Bu choir ùidh a bhith aig tagraichean ann an obair nam Fèis agus anns na h-ealain Ghàidhlig san fharsaingeachd
- Bu chòir comas a bhith aig tagraichean obair a chur air dòigh air an ceann fhèin, gun stiùir aig amannan
- Bidh eòlas air obair chompiutairean deatamach, gu sònraichte prògraman a leithid Microsoft Word, Excel agus Powerpoint. Bhiodh e feumail nam biodh eòlas aig tagraichean air Adobe Acrobat, Photoshop, InDesign, MYOB agus Wordpress, ged a bhios trèanadh ann.
- Cha bhi cead-draibhidh deatamach san dreuchd seo ach bhiodh e feumail.

Bidh an tuarastal eadar £21,057 gu £23,398 a-rèir eòlais. Tha Fèisean nan Gàidheal a' pàigheadh 5% de ur tuarastal a-staigh gu peinnean. Thèid cosgaisean co-cheangailte ris an dreuchd a phàigheadh a thuilleadh air tuarastal. Feumaidh an neach a shoirbhicheas a dhol tro dheuchainn sgrùdaidh mar bhall den sgeama PVG aig Fèisean nan Gàidheal.

Bu chòir do thagraichean cunntas-beatha (ann an Gàidhlig neo ann am Beurla) a chur thugainn an cois na foirm-iarrtais, air a lìonadh a-steach leis an fhiosrachadh air fad a tha sinn a' sireadh.

Cuiribh foirmichean gu Anna Willoughby, Manaidsear Gnìomha, Fèisean nan Gàidheal, Taigh a' Mhill, Port-Rìgh, An t-Eilean Sgitheanach, IV51 9BZ neo air post-d gu anne@feisean.org ro 5f, Dihaoine 21mh Gearran 2020.

Airson cothrom còmhraidh agus barrachd fiosrachaidh fhaighinn mun dreuchd, leigibh fios gu Anna Willoughby air 01478 613355.

Feumaidh tagraichean a bhith a-steach ro 5f, Dihaoine 21mh Gearran 2020

'S e fastaiche co-ionannachd cothroman a tha ann am Fèisean nan Gàidheal

Tha Fèisean nan Gàidheal cùramach a thaobh fiosrachadh a làimhseachadh agus ga dhìon. Chithear fios mu phrìobhaideachd tron cheangal [seo](#) agus ma tha iomagain no adhbhar agad cùis sam bith a thogail mun dòigh sa bheil sinn air fiosrachadh a làimhseachadh cuir fios gu Oifigear Dìon-Dàta na buidhne tro dpo@feisean.org.